

REPUBLIC OF THE PHILIPPINES  
BATANGAS CITY

OFFICE OF THE SANGGUNIANG PANLUNGSOD

EXCERPT FROM THE MINUTES OF THE REGULAR SESSION HELD BY THE  
MEMBERS OF THE SANGGUNIANG PANLUNGSOD OF BATANGAS CITY  
ON NOVEMBER 11, 2019 AT THE SANGGUNIANG SESSION HALL

PRESENT:

Hon. Emilio Francisco A. Berberabe Jr.,	Presiding Officer
Hon. Aileen Grace A. Montalbo,	Councilor
Hon. Nestor E. Dimacuha,	“
Hon. Karlos Emmanuel A. Buted,	“
Hon. Gerardo A. Dela Roca,	“
Hon. Nelson J. Chavez,	“
Hon. Julian B. Villena,	“
Hon. Julian Pedro M. Pastor,	“
Hon. Isidra M. Atienza,	“
Hon. Maria Aleth A. Lazarte,	“
Hon. Lorenzo A. Gamboa, Jr.,	“
Hon. Angelito “Dondon” A. Dimacuha,	ABC-Rep.
Hon. Marjorie A. Manalo,	SK-Fed. Pres.
Hon. Alyssa Renee A. Cruz,	Councilor
Hon. Oliver Z. Macatangay,	“

“On motion of Councilor Buted seconded by Councilor Nestor Dimacuha, the following Resolution was Adopted:

RESOLUTION NO. 408 S. 2019

APPROVING BARANGAY ORDINANCE NO. 1 SERIES 2019 OF  
BARANGAY BANABA SOUTH, BATANGAS CITY

**RESOLVED**, to approve the Ordinansang Pambarangay Blg. 1 S. 2019 ng Barangay South, Batangas City entitled: “Ordinansang Nagtatatag ng Rabies Control Coordinating Committee, Nag-aatas ng Lahatang Pagpapatala at Pagbabakuna ng mga Aso, Pagkontrol sa mga Walang Bakuna, Maysakit at Palaboy o Pawalang Aso sa Sakop ng Barangay Banaba Ibaba, Batangas City”.

**UNANIMOUSLY APPROVED.”**

I hereby certify that the foregoing Resolution No. 408 S. 2019 was approved by the Sangguniang Panlungsod of Batangas City during its Regular Session held on November 11, 2019.

  
ATTY. OLIVA D. TELEGATOS  
Secretary  
Sangguniang Panlungsod

ATTESTED:

  
EMILIO FRANCISCO A. BERBERABE, JR.  
Presiding Officer

ODT/ystingchuy...



Republic of the Philippines

BANABA IBABA

BATANGAS CITY

**OFFICE OF THE SANGGUNIANG BARANGAY**

**OFFICE OF THE SANGGUNIANG PANGLUNGSOD  
BATANGAS CITY**

To whom it may concern:

Good day!

This is officially endorse to your good office the copy of our **BARANGAY ORDINANCE NO. 1 "BARANGAY RABIES CONTROL COORDINATING COMMITTEE"** requesting for your approval.

Thank you very much.

Respectfully yours,

  
**MARIO C. DUE**  
Barangay Chairman



Republika ng Pilipinas  
Lungsod ng Batangas  
Sangguniang Barangay Banaba Ibaba

**ORDINANSANG PAMBARANGAY BILANG 1**  
**Hanay ng 2019**

Ordinansang nagtatag ng Barangay Rabies Control Coordinating Committee. Nag aatas ng lahatang pag papatala at pagbabakuna ng mga aso pagkontrol sa mga walang bakuna, maysakit, at palaboy o pawalang aso sa sakop ng Barangay Banaba Ibaba

Sapagkat, ang rabis ay isang sakit na nakamamatay at malaki ang tulong na magagawa ng mga tao upang ito ay maiwasan.

Sapagkat, katungkulan ng Pamahalaang Barangay na pangalagaan and kalusugan ng kanyang mga mamamayan, kasama ang pagsusulong ng mga programang pang-kalusugan para sa bawat naninirahan sa barangay.

Sapagkat, ang Ordinansang Panglungsod Bilang 02, na nagtatag ng City Rabies Coordinating Committee ay aprobadong at ipinapatupad na simula pa noong 1997, ngunit hanggang ngayon ay wala pang seryosong aksyon ang mga mamamayan tungkol dito, patunay ang mga asong may sakit at walang bakuna na malayang gumagala sa mga lansangan at kapookan ng lungsod, at ang patuloy na dumaraming insidente ng rabis sa Lungsod ng Batangas.

Ngayon, Dahil Dito, sa bisa ng kapangyarihang iginawad ng batas, pinatitibay ng Sangguniang Barangay ng Banaba Ibaba, Lungsod ng Batangas, ang mga sumusunod:

**Seksyon 1. Maikling titulo**

Ang Ordinansang ito ay makikilala bilang “ Ordinansang Pambarangay Laban sa Rabies”.

**Seksyon 2. Pagtatag ng Barangay Rabies Control Coordinating Committee.**

Ang Barangay Rabies Control Coordinating Committee ay bubuuin ng mga sumusunod:

**Punong Barangay:**

**Mario C. Due**

**Mga Kagawad :**

1. Ciriaco De Mesa
2. Jun Diona
3. Rufino Macaraig

**Seksyon 3. Mga Tungkulin ng Komite**

- a.) Gumawa at magpatupad ng mga alituntunin at bumalangkas ng programa upang makontrol ang rabies sa Barangay.
- b.) Gumanap bilang tagapag- ugnay ng mga lokal na pinuno at mga mamamayan upang magkaisa sa pagsugpo sa rabies.
- c.) Gumawa ng sistematikong pagsubaybay, pagtaya at paguulat ng nagawa na programa sa pagkontrol sa rabies.
- d.) Magpakalat ng mga babasahin at mga impormasyon tungkol sa rabies.
- e.) Pamahalaan ang pagtatago at pagmimintine ng Barangay Dog Pound.





**Seksyon 4. Tungkulin at Pananagutan ng may ari o nag-aalaga ng aso.**

- a.) Pagrerhistro ng alagang aso sa tanggapan ng Punong Barangay sa loob ng dalawang (2) linggo matapos itong maipanganak o simula sa pagdating nito sa barangay.
- b.) Iulat sa Tanggapan ng Punong Barangay ang pagkawala, pagkamatay, o ang pagkalipat ng tirahan ng aso.
- c.) Pabakunahan ang alagang aso sa lisensyadong beterinaryo kapag itoy sumapit sa edad na tatlong (3) buwan at ulitin ang pagbabakuna sa bawat taon .
- d.) Ang may- ari o nag-aalaga ng aso ay mahigpit na inaatasang itali o ikulong at alagang aso upang maiwasan ang pagkakahawa sa sakit na dala ng asong lumalaboy sa mga kalye at kapookan at upang maiwasan na itoy makakagat sa sino man.
- e.) Kapag nakakagat and alagang aso, ang may ari ang sasagot sa lahat ng gastos ng pagpapagamot at pag papa eksamen sa asong naka kagat. Kung ang nakakagat ay rehistrado, nkatali, o nakakulong, o nsa matibay na bakuran paligid ng bahay na may ari, kailangay pag usapan at magkasundo ang may -ari ng aso at biktima ng pagkagat sa paraan ng pagpapagamot at pagpapa eksamen.

**Seksyon 5. Bayad at katibayan sa Rehistrasyon.**

- a.) Ang bayad sa rehistrasyon ay P 20.00 bawat aso na babayaran sa ingat – Yaman ng barangay kapalit ang opisyal na resibo. Mula dito ay animnapung porsyento (60%) ay mapupunta sa Ingat –Yaman ng lungsod at ang natitirang apatnapung porsyento(40%) ay gagamitin ng barangay para sa puspusang pagpapatupad ng ordinansang ito sa iba pang proyekto nito.

**Seksyon 6. Sentrong Patalaan sa mga Aso.**

Ang Punong barangay ay may katungkulan na isumite and talaan ng nairehistrong aso sa tuwing ikatlong buwan (3) sa Central Dog Registry na matatagpuan sa Office of the City Veterinary and Agricultural Services. Kasama sa ulat ang talaan ng mga namatay, nawala at nagpalit ng tirahan ng mga rehistradong aso sa bahay.

**Seksyon 7. Pagbabakuna ng mga Aso**

- a.) Ang bawat aso na may edad na tatlong (3) buwan pataas ay kailangang pabakunahan laban sa rabis ng minsan sa isang taon. Ang mga tuta ay unang babakunahan pagsapit niya sa edad na tatlong (3) buwan.
- b.) Ang bawat asong mababakunahan ay ilalagyan ng matibay na tag upang madaling makilala at maibukod sa walang bakuna.
- c.) Ang may-ari ay bibigyan ng sertipikasyon ng pagbabakuna. Ito ay dapat na laging handa upang ipakita sa nagpapatupad ng ordinansa kung kinakailangan.

**Seksyon 8. Pag- ulat ng insidente ng Pangangagat ng Aso.**

Ang taong nakagat ay inaatasang mag -ulat ng pangyayari sa loob ng apatnapu't at walong (48) oras sa Barangay Health Worker, Barangay Tanod o sa sinumang kagawad ng Barangay na agad naming ipadala and ulat sa barangay sa Rabies Control Coordinating Committee.

**Seksyon 9. Panghuhuli, Pagpapakulong at pagpatay sa mga Asong Gala.**

- a.) Ang Barangay Rabies Control Coordinating Committee ang nangangasiwa sa panghuhuli at pagkukulong sa Barangay Dog pound ng mga walang bakuna, maysakit at pinabayaang gumala sa kalye at kapookan ng barangay.
- b.) Ang lahat ng asong makukulong sa Barangay Dog Pound ay aalagaan sa loob ng tatlong (3) araw, kung kailan ang may- ari ay maari itong tubusin sa halagang isang daang at limampung piso(150.00) sa unang (1) o dalawampu't apat (24) na oras. Tatlong daang piso (300.00) sa pangalawang araw o sa loob ng apatnapu't walong oras (48) at limang daang piso (500.00) sa loob ng pitumpu't dalawang (72) oras ng pagkahuli. Pagkatapos ng tatlong (3) araw ang mga asong nakakulong sa Barangay Dog Pound ay ililipat sa City Animal Pound na kung saan ito ay papatayin sa makataong pamamaraan.





- c.) Maliban sa may-ari ng aso at sa mga awtorisadong humuli at magkulong ng mga asong may sakit, walang bakuna, maysakit, at pinabayaang gumala sa kalye at kapookan ng barangay.
- d.) Ang mga mamimili nga aso na makikita sa barangay **BANABA IBABA** ay pagsasabihan tungkol sa ordinansang ito, ngunit kung magpapatuloy sa pamimili na aso ay tuluyang huhulihin at ipaghaharap ng kaso sa hukuman o kaukulang tanggapan ng pamahalaan.

#### Seksyon 10. Karapatan ng mga naninirahan sa Barangay.

**BARANGAY BANABA IBABA** ay maging ligtas, malusog at kaaya-ayang panahanan ng kanyang mga mamamayan. Karapatan ng lahat na dito'y naninirahan ang buong komunidad aymasigurong ligtas sa panganib ng rabis na ikinakalat ng mga asong hindi maayos na naaalagaan ng may-ari at pinababayaang lumaboy sa lansangan o kapookan ng barangay.

#### Seksyon 11. Administratibong Multa o Bayad sa Pagsasaayos.

Ang sino mang lalabag sa Ordinansang ito ay maaring magsaayos ng kanyang paglabag sa loob ng apatnaput walong oras mula sa kanyang pagkahuli, ayon sa mga sumusunod:

- a.) Unang Paglabag – Multang P100.00 o isang araw na serbisyong pang komunidad;
- b.) Ikalawang Paglabag – Multang P300.00 o tatlong araw na serbisyong pang komunidad;
- c.) Ikatlong Paglabag- Multang P500.00 o limang araw na serbisyong pang – komunidad;
- d.) Ang ika- apat at sa mga susunod pang paglabag ay papatawan ng multang P1,000.00;
- e.) Ang lahat na multang malilikom ay ipapasok sa pondo ng barangay at gagamitin sa mga proyektong pambarangay.

#### Seksyon 12. Kaparusahang Maipapataw ng hukuman.

Ang sinumang lumabag sa ordinansang ito na hindi makakabayad ng administratibong multa na nasasaad sa sinusundang bahagi nito sa loob ng panahong nabanggit, ay ihahabla sa hukuman at siya ay maaring parusahan ng multang hindi bababa sa P100.00 ngunit hindi tataas sa halagang P1,000.00 ayon sa diskresyon ng hukuman. Kung sakaling walang maibayad sa multa ang lumabag, magpapataw ang hukuman ng " Subsidiary Imprisonment" na isang araw sa bawat P100.00 multa. Kung ang nagkasala ay isang Asosasyon, Bakasan o korporasyon, ang pangulo o namumuno dito ang siyang mananagot.

#### Seksyon 13. Talatang Nagpapawalang-bisa.

Lahat ng probisyon ng anumang ordinansa, resolusyon o atas pampangasiwaan ng Barangay na sumasalungat o hindi umaayon sa ordinansang ito ay mawawalang – bisa o kaya ay mababago.

#### Seksyon 14. Talatang nagbubukod.

Kung sa anumang dahilan at ang alin mang bahagi ng ordinansang ito ay mapatunayang labag sa Saligang Batas o mapawalang bisa , ang ibang bahagi nito na hindi saklaw ng paglabag ay magpapatuloy sa pagkakabisa.


#### Seksyon 15. Pagkakabisa


Ang Ordinansang ito ay magkakabisa makalipas ng sampung araw mula sa pagpapatibay ng Sangguniang Panlungsod.



Pinagtibay nitong ika- 28 ng Mayo, taong 2019, sa Barangay Banaba Ibaba, Batangas City,  
Lungsod ng Batangas.

Pinatotoo:

  
Mario C. Due  
Punong Barangay

  
Rubiliza M. Garbin  
Kalihim ng Barangay